

Na osnovu člana 19. stav (4) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), a vezi u sa Odlukom o proglašenju stanja nesreće uzrokovano pojavom koronavirusa (COVID-19) na području Federacije BiH, V. broj: 408/2020 od 16.03.2020. godine, Vlada Federacije Bosne i Hercegovine, na 162. hitnoj sjednici, održanoj 20.03.2020. godine, donosi

ZAKLJUČAK

U vezi sa načinom rada u Vladi Federacije Bosne i Hercegovine, federalnim organima uprave, federalnim upravnim organizacijama i stručnim i drugim službama Vlade Federacije Bosne i Hercegovine u cilju sprječavanja širenja bolesti izazvane koronavirusom (COVID-19)

1. U cilju sprječavanja širenja bolesti izazvane koronavirusom (COVID-19), rad u Vladi Federacije Bosne i Hercegovine, federalnim organima uprave, federalnim upravnim organizacijama i stručnim i drugim službama Vlade Federacije Bosne i Hercegovine, organizovat će se u skladu sa odlukom rukovodioca, kojom će radnici, počev od 23.03.2020. godine, biti upućeni na godišnji odmor, vodeći računa da se obezbijedi obavljanje poslova onih lica čiji je rad neophodan za nesmetano funkcionisanje organa.
2. Rukovodioci organa iz tačke 1. ovog zaključka dužni su radnike iznad 60 godina starosti, radnike sa dijagnosticiranim hroničnim oboljenjima, kao i trudnice, počev od 23.03.2020. godine, uputiti na korištenje preostalog godišnjeg odmora iz 2019. godine, odnosno na korištenje prvog dijela godišnjeg odmora iz 2020. godine, u trajanju od najmanje 12 radnih dana, ukoliko su radnici već iskoristili godišnji odmor iz 2019. godine.
3. Radno vrijeme državnih službenika i namještenika u Vladi Federacije Bosne i Hercegovine, federalnim organima uprave, federalnim upravnim organizacijama i stručnim i drugim službama Vlade Federacije Bosne i Hercegovine, zbog obustave javnog prijevoza u Federaciji Bosne i Hercegovine, od ponedjeljka, 23.03.2020. godine, biće od 09.00-14.00 sati.
4. Upućuju se stranke koje komuniciraju sa organima iz tačke 1. ovog zaključka, da u skladu s preventivnim mjerama koje su na snazi, komunikaciju obavljaju isključivo putem telefona i elektronski putem e-maila, da sve podneske šalju putem pošte, te da izbjegavaju neposredan dolazak u prostorije organa.
5. Ovaj zaključak stupa na snagu danom donošenja.

V. broj: 447/2020
20.03.2020. godine
Sarajevo



PREMIJER

Fadij Novalić